



05370

樂 莊
府 山
莊

道光甲申冬
十月開雕

琴竹山莊樂府卷一

蝶戀花

閨怨

粧燭銷檠人未睡
朱鳥牕前影事渾難記
拉雜摧燒金翡翠
翠麝煙還結相思字
十二闌干閒獨倚
黯淺春衫點點
靈芸淚細雨如絲
簾拂地小桃花又紅如此

垂楊

隋隄春暮

零紅墮紫過小橋
一帶畫簾垂地水閣停笙
雨聲斷續鶯聲裏
蘭舟盪槳春潮起
帶多少酒香花氣
畫圖中金粉江
山問六朝天子
珠翠周圍十里
那文棟綺寮燕泥香壘
庭草無人照來明月涼
於水金蟬鈿雀憑誰是
只楊柳腰肢畧似亂鴉
何事黃昏啼不止

賣花聲

蝶影

小院雨初晴
簾幙陰沈六銖衣
薄峭寒輕人倚碧桃花樹
下曉夢纔醒
春色可憐生
紅粉零星舞衫歌扇小
娉婷斜上玉鉤香一縷
脉脉盈盈

荷葉杯

春思

病起不知春暮閒
步斜卷水晶簾
一雙燕子話呢喃
微雨



正廉織 憶昔花間相見人倦纔到目成時又從別後說
相思相思却訴誰

阮郎歸

太常仙蝶法時帆先生席上分賦

碧雲深處白霓裳將飛還未翔雙雙粉翼繞迴廊落花紅
半牆 迎綠仗舞瑤閨仙風吹八琅蘂蘂春夢暗生香壺
天日月長

聲聲慢

觀翁宜泉齋中所藏古泉兼呈覃溪先生

絲穿翠縷匣裹紅絛吉金古貝爛編典却衣裘鏘鏘積累
良難傳來尉遲紙帖翫緇繩肉好如環辨真贗試從頭數

琴竹山莊樂府卷一

二

起緡算如干

博採義文吳棘豎周京九府漢制三官赤

仄緡文土花剝蝕朱殷龍威丈人座上擁圖書星斗芒寒
古刀幣笑先生無計買山

高陽臺

語溪補襖同張椒卿夜集可掬軒明日放舟琴川
追憶去歲餞春之夕倚此攄懷卽次椒卿韻

煙澹於鴉雲孤似鶴七星橋畔移橈柳軟風輕短條綠到
長條阿誰畱得春魂住似吟魂暗逐春消最關心今歲前

宵去歲今宵

新詞豔說張三影遲鷗羣小憩鶯語先招

一櫂蓴絲心情又付春潮碧桃開後春無影望湖田草綠
裙腰倦尋芳去也無聊住也無聊

永遇樂

春夜同何夢華集虞山之北關水墅綠鬟佐酒紅
燭傳箋夢華以明日歸權西冷余亦挂帆虎阜離
懷惘惘卽事成詞

第六琴弦碧桃千樹明月三五水檻風亭詩天酒國此日
堪千古苔淺花深紅嬌綠小十二畫欄深處乍拈題香消
一寸已有人傳新句 簾紋低窳銀箏彈響濃笑剛成眉
語背客藏鉤嘲郎傳粉燈影紅如許酒痕襟上風吹花片
香霧化爲香雨怕吹到湖心一笛柳絲萬縷

柳枝

樓頭月柳枝樓外雨柳枝少婦慵開粧鏡時鎖愁眉柳枝
作絮飛柳枝送春歸柳枝一笛長亭酒力微怨斜暉柳
枝

琴竹山莊樂府卷一

三

點絳脣

早春曉行

客夢零星試從何處探春信曉鶯聲嫩且向前溪問 薄
雪三分野店青帘影斜還整小樓紅杏寒食東風近

眼兒媚

堤柳

江南春影倩伊描展黛遺山嬌長亭十里短亭五里有客
魂消 依樓但覺春無力宛轉繞廊腰風絲一剪煙痕一
線流水平橋

蝶戀花

書生香女士詞藁後并柬湘芷曉潭昆季

幾日尋春春欲暮
嬾去尋山却爲尋
詩住消得一番春意
緒鶯聲三月紅闌雨
道韞清才工咏絮
羣季分箋聽擊
花前鼓只剩金爐香半縷
新詩我欲明朝補

菩薩蠻

舟中偶成

山頭月吐停舟等
白雲牽起蘆花影
花影亂春星星從雲
脚生
夜長津鼓早酒盡
鐙花小詩思雁聲催
一聲吟一
回

翠樓吟

琴竹山莊樂府卷一

四

寒牕夜坐咏竹

徑密藏雲樞疎透月
迴廊一片清影攤書
鐙下坐偏搖蕩
鐙光無定湘簾人靜
訝黛染苔衣鬢
歛菱鏡星河近不知
何處鶴聲虛警
夜永翠袖寒生
望美人天際畫欄閒
凭一尊人薄醉借風力
三分吹醒呼童烹茗
聽落葉聲中催
成霜信空齋冷有誰
同識此君心性

蝶戀花

題秋鐙伴讀圖爲友人悼亡作

一穗煙疑千點淚
此夕秋心恰與鐙相
似憶得綠牕吟倦
未玉簪劃得烏絲細
研露閒鈔梵菴字
人到傷心畧有
參禪意又恐人知
心上事繩牀別取
他書寫

齊天樂

舟進七里瀧

亂鴉殘葉紛如雨。三秋早寒。天氣峽走。鶯瀧煙迴。暮靄烘染。丹霞成綺。灘行七里。正雙槳、波平一颿。風駛桐子山高。醉看月小似桐子。荒臺衰草滿目。有披裘釣者。穩卧雲水。歸鳥尋巢。游魚聚網。我獨飄蓬到此。津亭小吏。怪舊日曾逢。鄉音稍異。指點吳山。數峯叢樹裏。

鳳凰臺上憶吹簫

桐廬舟次作

掬水梳鬟。凌波學步。菱花照影。媚媚聽弄潮兒。喚嫂妹同年。見說儂家九姓。生來慣水宿。風餐休驚起。鴛鴦穩睡。香夢如煙。燈前問余何事。此去爲誰忙。幾日言旋。話勞薪草草。也被伊憐。不是郵亭送別。水楊柳也帶疎煙。羅襟濕相看。乍添淚點。濺濺。

洞仙歌

自浙東歸里將之京師與甘亭話別

近來詩思到深秋。時候郊更嫌寒。鳥嫌瘦。爲思君不見。每展君詩。西風起。愁盼千株楊柳。蒲帆風一葉。羅利磯邊。買得黃花補重九。何事苦遲徊。也爲囊空。却不至有詩無酒。待歲晚歸來。幸逢君。又送我登車馬前回首。

金縷曲

鴛湖春暮追念舊游感而倚此

廿四番風作怨封姨太無聊賴太嫌情薄只管落花催春
去不管人憐花落有幾片墮殘紅萼一院鶯聲湖上雨又
絲絲穿過秋千索思往事負前約天涯不解成漂泊到
而今者般懊惱幾時消却髻影衫痕紅蠟泪香夢珍珠簾
箔剩粉蝶一雙閒着無可奈何歸去好望韭溪橋外雲如
幕難遣此酒頻酌

念奴嬌

題明妃出塞圖

琵琶凄斷被丹青誤了胭脂顏色何事春風環珮影又照
珊珊明月細馬馱來驚鷗落處黯慘黃沙積迴眸南望四
山雲氣如墨自古絕域從軍玉關萬里此願誰酬得讓
爾蛾眉功報主聲價黃金千百雪滿榆關煙荒草路青冢
埋香骨六宮羅綺盛年紅粉堪惜

菩薩蠻

夜坐長椿寺遲黃香鐵不至

寺門遠樹平如掌不知何處蕭蕭響竹影一簾風燈花雙
穗紅漫天雲似墨作去弄荒寒色細雨濕蒼苔幽人期
不來

暗香

劉芙初太史齋中分賦盆梅用白石韻

半簾雪色聽紙牕竹屋淒清孤笛玉女洗頭點點疎星手
堪摘拳石空嵌四角憑誰喚元章拈筆忽四百二十神峯

一夜入瑤席 香國夜寂寂看屈曲幾枝翠蘚微積燭花
泪泣驛路江南苦相憶若有人兮極目斜月照溪痕浮碧
悵遠夢連夢也杳難尋得

采桑子

海棠深院重門閉月影朦朧花影惺忪暑有羊燈一點紅
流蘇複帳春寒重倦繡芙蓉閒倚簾櫳裊裊鑪煙剪剪
風

輪臺子

都尉營前草樹天黯黯荒寒欲雪那堪苦霧叢中流出水
聲嗚咽何須更聽悲笳便登樓已令肝腸絕况單衣歲暮
自古傷心無家別 迢迢尺素書來鯉魚腹字痕半滅剔

琴竹山莊樂府卷一

七

銀鐙到鐙花落處愁心干疊嘆憔悴征衫支離病骨只玉
帳今宵共天涯明月減清輝乍圓又缺且休問楊柳青青
已過鶯花節

醜奴兒慢

閨思

櫻桃樹下誰把春愁牽起只遙望春陰如幕春雨如絲香
夢前宵玉鈎斜動月來時十分情緒沈沈院落鸚鵡先知
簾外幾回嫩黃蝴蝶穿過花枝也無奈紅香狼藉芳艸
萋迷料峭東風曉寒不卸六銖衣流鶯三兩憐春欲去盡
日嬌啼

西溪子

耿耿銀河千里涼，夜月明如水。一絲風簾間影斜，還整掠
過梧桐金井露華濃。咽吟蛩。

浪淘沙

書所見

一笑兩匆匆，紅雨迷濛。尋春前度記曾逢。六曲闌干橋影
外，溝水西東。穿過百花叢，燕語玲瓏。遠山又見黛痕濃。
何處紅牆勞悵惘，翡翠屏風。

浪淘沙慢

早春送別

遠林外青山一角，隱隱如髮。我亦天涯過客，何堪攜手賦
別。料此後鶯花還未歇，盼芳訊、穀雨時節。奈溪上浮萍也。

琴竹山莊樂府卷一

八

難定江雲渺，千疊愁絕。幾聲隴水鳴咽。正馬上鞭絲斜

陽暮，笠影微帶雪。憐野店、今宵衾冷如鐵。酒腸未熟，敲舊
詩吟到，燈花將滅。千丈愁絲，連環結。憑誰解。舉杯醉月半
簾影。瓊鈎看漸缺。解衣睡，忽聽鷄鳴。辨樹色朦朧，又見東
方白。

醉太平

題畫

遠山近山，山房數間。柴門雖設常關，有山雲往還。桐陰
半殘，楓林漸殷。尚餘淺淡螺鬟，瀉溪流一灣。

滿江紅

岳忠武王墓

萬里長城竟斷送錢塘江口早辦得南中降表自稱臣構
枉說中興泥馬渡不堪痛飲黃龍酒憶兩宮環珮夢中歸
曾知否 敵南下倉皇走和議獻空城守嘆英雄湖上蹇
驢消瘦心力十年拋却盡爰書三字莫須有望干尋宰樹
夜蕭蕭悲風吼

又

秣陵懷古

天塹長江限南北青山終古緬六代繁華金粉迷濛花雨
狎客酒筵銀燭夜美人畫舫霓裳舞怪北軍何處忽飛來
韓擒虎 前學士新開府徵歌伎勞旁午笑無愁天子偏
安江左大厦已虛春燕壘後庭尙擊花奴鼓刺垂楊垂柳

琴竹山莊樂府卷一

九

石頭城愁千縷

又

燕臺懷古

甲第連雲看多少五陵裘馬盡道是金張許史歌樓舞榭
百歲歡場成夢幻一坏衰草埋荒野只青燐幾點墓門前
鴛鴦瓦 千古恨臨風寫千點淚如珠瀉弔荒臺馬骨黃
金聲價古戍頽雲邊將壘平泉落日清砧夜問悲歌慷慨
竟何人知音者

十二郎

題秦斗菴都閩水雲圖

一痕遠岫遮不斷一簾花雨看何氏山林謝家園墅消受

煙霞萬古試問將軍閒中味只流水行云領取待放鶴船
歸騎驢人往載余同去 寄語柳營明月誰竄誰主惟浴
鷺眠鷗是雲是水共此朝朝暮暮玉帳猿驚雕弓雁落猶
記北平射虎勝友至濁酒千尊一醉聯吟大樹

琴竹山莊樂府卷二

鎮洋 盛大士 子履

行香子

泊舟瓜步

纔聽濤生便覺愁生况蕭蕭篷背風聲兩三鐙火何處舟
停在荻花洲蘆花渚蓼花汀 醉也難成睡也難成夜漫
漫漏轉三更一江月白兩岸山青作水調歌水仙操水龍
吟

齊天樂

對月有懷達厚菴茂才

早涼可惜宜詩夜拈來韻教誰選燭已燒殘茗先煮熟休

琴竹山莊樂府卷二

一

更嫌儂疎嬾蓬扉兩扇看屋角雲深牆陰花淺周北張南
小奚馳札也還便 丁丁幾聲漏箭要消除塊壘濁酒須
煖共麩醺香互聞鄰櫺人遠非關室遠笙歌別院奈隔斷
紅牆玉繩斜轉太息思君月華今夜滿

如夢令

花下閒坐

花外玉鉤簾卷簾外碧桃花淺繡幕拂花叢又被晚風吹
轉燕剪燕剪剪就柳絲晴軟

百字令

寒夜聽雨有懷程禹山孝廉

荒城寒雨和殘更併入愁人心裏枕上已忘前夜句覓着

披衣而起幌不禁風燈疑照雪有夢皆如水羈人情味想
君也慣嘗此 一十五里之遙經旬不見似隔三秋矣老
去名心看漸減不減元龍豪氣竹素蟬紅芸籤蠹碧商畧
千秋事圍鑪深夜莫辭吸盡杯底

醉春風

題華亭雷存齋學博攜酒聽鶯圖

簾外春寒小花外春雲繞東風何處柳梢青早早庭院
無人一尊閒坐數聲啼鳥 逕醉塵埃少綠滿階前草酒
邊試讀書中詩好好好雲水神仙湖山佳勝九峯三泖

搗練子

送別

琴竹山莊樂府卷二

二

楊柳岸短長亭水色平涵酒幔青殘醉夕陽人去也一鞭
猶聽馬蹄聲

買陂塘

題鄭瘦山孝廉鱸鄉秋色圖照

是誰將癡翁淺絳零殘粉本重補山藏雲影雪藏屋中有
數重樵路天欲暮望一葉煙帆隱隱聞人語蘆中舊侶正
曬網歸來推扉聽得黃葉落如雨 平生誤蹤跡茫無定
所阻風愁水何苦十年我是悠悠者忘却此間佳處水牕
戶有一叟憑欄招我携筇去漁汀釣渚願買得肥魚載將
野鶴欸乃動柔艣

沁園春

次熊蘭坡見贈韻卽題其近作詞卷

跌宕疎狂可能算吾其庶幾焉奈流光易逝哀絲豪竹墜
歡難續斷雨零煙忽漫相看不知老至又值荒寒臘盡年
從頭憶憶名場馳逐王後盧前披君好句如仙可抵得
文通賦一篇正紅友攜將未成愁髻青山是處慣聳吟肩
減字偷聲吹花嚼蕊漏盡重將蠟炬然誰相似似玉田石
帚蘭畹金荃

木蘭花慢

題黃少霞孝廉詩卷

問天寒翠袖倚修竹悄無言有十幅鮫綃那時織就官樣
雙鴛瓊仙彩鸞去也定相邀捧出衍波箋一曲清商夜半
泠泠十指朱絃吟邊花色總堪憐春信憶年年每參橫
斗轉羅浮翠羽遠夢如煙冷然御風海上望春山窈窕畫
屏懸流水桃花萬片武陵溪上魚船

摘得新

懷黃香鐵嶺南

憶遠人迢遙嶺上雲寒林微見月澹黃昏羅浮一夜梅花
夢悄無言

摸魚兒

送蘭坡北上

又匆匆柳絲零亂津亭風色如此今朝水漲三篙碧明日
送君千里淮上水慣送客天涯渺渺愁思起輕帆又駛只

數點閒鷗一羣旅雁猶在水邊耳 君行矣試望遠山色
紫斜陽將落還未天津橋畔青帘影我是舊游之地思往
事有幾處鶯花絃管嬌羅綺詩情畫意倘載入行裝消余
別恨有便早相寄

暗香

題亡友黃小舟侍御所畫梅花小幀

水邊落月剩幾分淺照舊時顏色夢裏見君只道天涯暫
相別誰料瓊樓玉宇一聲笛聲聲淒切卷幔望是也非耶
孤鶴立癯骨 愁絕庾嶺雪任作絮作花盡染成血寸腸
百結未許心如廣平鐵把卷臨風洒淚看翠袖一層層濕
夜半後燈似豆半明半滅

琴竹山莊樂府卷一

四

疎影

哭張椒卿

十年與爾共酒場跌宕不數餘子一別天涯社燕秋鴻勞
人草草如此青山天末遙相望不解作寒溫書寄到此時
悔也嫌遲碧海更無雙鯉 無限牢騷抑塞忽歌忽痛哭
多少心事路鬼揶揄白眼相看君竟窮愁而死更無詩卷
留天地只檢得兩三張紙嘆曩時隨手輕拋我已負君多
矣

高陽臺

懷陸邗生學博兼柬惲潔士徵君

淝水三竿淮雲千里蕭然兩片寒鴉兒女零丁病魔共此

沈綿平安問訊多，匆報不分明事有難言。嘆空梁燕壘，銜
泥歲歲年年。別無吟嘯登臨地，只雲尖釣者小住湖邊。
灤士自稱白雲尖釣徒。相見雖稀，淡旬來往，差便聞渠近得君消息。
把君詩共展，鐙前點酒，魂風也堪憐。雨也堪憐。

又

郭頻伽自袁浦歸，見過學舍別後寄懷

花欲闌時君將去也。此間片刻勾留，明日津亭問君肯再
留。不畱君想亦非無計，惜惺惺不散閒愁。望斜陽碧草，萋
萋春也如秋。一緘書自邢溝寄，訂重來淮上四月初頭。
綠漲平堤，水邊閒煞鳧鷖。甘番風信匆匆過，更黃梅宿雨
全收。遲君來，又恐君來已過輕舟。

琴竹山莊樂府卷二

五

多麗

落花

悄無言，憑誰勾引詩魂。玉鉤斜，蘊煙網裊溶溶，院宇黃昏。
倚蕉陰，濃暈欲滴，鎖苔翠澹不成痕。香送餘寒，人扶殘醉，
彩雲深處掩重門。今宵是可憐宵也，畱伴可憐人，恨明日
春陰如夢。春夢如塵。太淒清，問花不語，春愁黯黯傷神。
未消除，平生綺業，誰排遣，寂歷花晨。一瞬光陰，十年情緒，
尊前愁鬢已如銀。回頭望殘紅，狼藉風色上津亭，有多少。
天涯倦客，遠道王孫。

琴調相思引

送春

堤柳如絲草似茵送春我亦客中人舊時襟袖添得酒痕
新 于點牆花紅散雨數竿牕竹綠藏雲畫梁雙燕軟語
解留春

祝英臺近

懷黃霽青太守

論文章談道義落落數人耳青鏡年華蓬鬢各如此試尋
五載歡悰昨宵飛夢也還似軟紅塵裏 戒行李聽說南
檣春風成裝有期矣問訊江干片帆挂還未料應夏盡秋
初相逢一笑又無那白蘋風起

又

題王椒畦所贈畫冊

琴竹山莊樂府卷二

六

遠山青深樹碧雲氣盪虛白竹石坡邊突兀一亭出正當
暑雨初收庭陰落翠忽添得一天寒色 問平昔除是梅
鶴迂癡同君許分席鑿險穿幽不到謝公屐一片水色天
光迷離莫辨只滿紙莽蒼荒率

又

題郎芝田所贈畫冊

米南宮董北苑神似貌能變粉碎虛空獨自關生面怪君
臥病荒江癯顏鶴立偏落筆這般道健 好束絹寫出如
此溪山披圖令人羨猿烏烟蘿孤負十年願倘許置我圖
中結廬小住請補寫板扉雙扇

滿庭芳

得粵東黃香石書卻寄

秋雨秋風蘋花蘓葉美人天末相望傳來芳訊約畧話行
藏作客長安不易三年內兩度還鄉悲歡事絲聲竹韻入
耳總淒涼 尋常文酒社推襟送抱樂且無央奈酒壚鄰
笛哀草斜陽謂小舟侍御又悼童烏化去君仲子熙文塲逝黃昏坐淚
掩金觴誰能似蒙莊作達齊物例彭殤

我欲言愁君須被涕一尊痛飲何妨七千餘里春水送歸
艖却話都門景物加餐飯笑問高堂鄰牆外娟娟翠篠可
比舊時長 憑將青鏡照亭亭玉樹未減容光剩名心一
點遮莫難忘聊以娛親爾爾那復戀鷗渚漁莊翩然去重
遊日下鄉夢繞桃榔

琴竹山莊樂府卷三

七

自我南歸懷入西笑端居屢費思量漫憐才盡渾不似江
郎便製霓裳法曲也自笑嬾散類唐無聊甚生涯脉望兩
髻太蒼蒼 蒼茫成獨立新詩一卷誰與評章盼江天落
葉賓雁成行此曲君應和我幸早覓淮水輕航洪喬輩浮
沈莫料叙述且須詳

金縷曲

爲頻伽作靈芬館弟九圖

甫也諸侯客浣花居野鷗來往舍南舍北何事秋風吹蒹
屋夜雨空階浙瀝忽四座歌聲清切人在煙巒冥濛處峭
寒生骨相能禁得詩萬首酒浮白 尋詩我若移吟屐小
橋邊層層路轉畫圖曾識只恐天涯鴻泥爪隔斷江雲咫

尺但記着湖光溪色修竹兩竿三竿外窈而深洗出秋容
碧聊一笑問疇昔

聲聲慢

題禹山孝廉水菘閒舫詞鈔

逃離島嶼縹緲樓臺和煙和水和雲若有人兮琅然珮響
續紛幽覓定非塵境與松篁蘿薜爲鄰側身望有仙人采
藥莞爾逢君 豈必猿驚鶴怨奈人寰小謫生計艱辛淮
海扁舟十年愁鬢如銀惟餘一腔風月對金卮我欲平分
知音者問尊前曾有幾人

祝英臺近

東田梅溪茂才時梅溪從粵東歸

琴竹山莊樂府卷二

八

悵江雲愁嶺樹一別二年許四百峯頭詩料任君取只憐
鑊碧裁紅清言霏雪渾不似參軍蠻語 舊吟侶更誰臨
水登山蒼茫弔千古獨我踈狂餘勇尙能賈願將異日詩
題枕椰樹下畱數首再邀君補

賣花聲

送禹山歸石梁

小別未多時也依依短長亭畔悵斜暉紅樹青山舟一
葉羨煞君歸 春水漲芳池柳綠成絲相逢重讀去年詩
願蒸心香花下祝芍药開遲

君於明春至淮
夏間又將歸里

長亭怨慢

得譚康侯農部書卻寄

四年外煙茫塵渺忽報江干一緘書到回首春明古藤花
下夢魂繞此花開後聽幾度鶯聲老我恨見君遲却轉恨
藤花開早余自己卯出都別君於古藤書屋 草草自搏沙一散雪點鬢
絲多少呼雲隔水望雲裏數峯青杳隔水呼雲雲有聲君集中題畫句也
此後再罄歡悰也留得閒愁難掃况月落參橫空恨啁啾
啼鳥

琴竹山莊樂府卷二



